

力莊嚴三昧經

百八十七
可九

48638



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



Handwritten marks or characters in the bottom right corner.

力莊嚴三昧經卷上

隋三藏法師那連提耶舍譯

可

如是我聞一時婆伽婆住舍婆提城祇陀林
樹給孤獨園與比丘衆五百人俱一切皆是
大阿羅漢諸漏已盡無復煩惱心得好解脫
慧得好解脫其心柔和猶調伏象內外清淨
究竟斷除五陰重擔所作已辦不受後有猶
如諸佛解脫無爲不爲有爲生死遷動唯除
一人在於學地所謂長老阿難比丘一切皆
得寂滅之法一切皆得調伏之法一切具足
最勝之法一切不任於意識中一切皆得種
種解脫一切皆得自在神通

復有八十百千菩薩摩訶薩等而爲上首所
謂文殊師利童子智輪大海辯才童子蓮華
藏光一切衆生眼童子無邊心廣義慧童子
天寶燄光善照曜幢童子難可譬喻善色愛
見童子觀諸衆生眼視不瞬童子大願不虛
見童子深遠雷震鼓音響聲童子離障礙一
切衆生眼童子寶藏燄輪廣德童子多福德
衆生見勝幢童子勝妙無邊香光童子無邊
力精進善大奮迅童子牢固精進無邊智光
幢童子一切差別德勝智童子不可破壞能
常最勝童子成就一切自在導師童子相好
莊嚴清淨福行善名稱童子一切衆生最愛

樂童子如是等衆諸童子俱一切皆得不退
轉道以金剛鎧大願莊嚴心常寂靜盡諸有
邊不壞法中得大清淨最勝清淨彼岸清淨
一切清淨行皆清淨

亦時世尊於彼後夜第一分中入于三昧此
之三昧名力莊嚴入三昧已悉知過去現在
未來一切衆生生死業行佛神力故是時此
處祇陁樹園地及虛空一切皆滿天衣寶帳
交絡網縵天蓋幢幡閼塞周遍又垂種種雜
妙流蘇細綵天華繽紛亂墜林樹間錯七寶
廁填種種莊嚴布散於地天諸香葉天弥那
羅天桂鬱金及薰香等烟雲微密靉靄氛氲

時卷時舒可愛可樂時祇陔樹如是種種天
寶莊嚴廣博淨故有大威德具衆光明照曜
虛空盡十方面現此難量諸莊嚴已有師子
座自然而出殊特妙好勝天報成以座莊嚴
光因緣故令此三千大千世界一切赫耀皆
悉照明譬如夜中然大炬火一切闇冥悉滅
無餘亦時此三千大千世界娑婆國土所有
穢惡丘陵培阜崖岸川原礫石土沙高下坑
坎陂池溝壑泉井江湖小河大河小海大海
須弥海島尼民陔羅仙聖所居十寶諸山所
迦婆羅及大斫迦婆羅山等悉皆平坦無諸
荆棘并餘叢林清淨端平如琉璃掌又有種

種七寶莊嚴天曼陀華遍覆於地天葉藕根
天多摩羅天桂鬱金香薰雲氣普皆周遍繞
虛空中又有諸天無量音樂百千萬億那由
他種自然出聲悉說妙法時此三千大千世
界滿虛空中種種七寶蓮華莊嚴最勝香光
皆作金色純青琉璃用以爲基臺廣七肘皆
高七尋蓮華開敷甚可喜樂天栴檀樹曼陀
華樹天龍華樹其樹各各高七多羅枝葉扶
踈色香具足青黃赤白皆如蓮華如是莊嚴
三千大千一切地界至有頂天悉如天宮淨
妙國土現是變已足時一切無量衆生以佛
力加故無障礙此彼徹見猶淨琉璃難可思

量佛境界故。尔時此三千大千世界地住諸
天乃至一切迦膩吒天并及五百羅漢比丘
八十百千菩薩衆等作如是念。此是如來力
莊嚴力。此是如來人中師子。此是如來最大
奮迅。此是如來師子奮迅。此是如來大大師
子奮迅。踊躍。此是如來大大神通莊嚴之事。
不可思議不可讚歎。如是見已。天及聲聞諸
菩薩等一切大衆皆於佛所生大信心。胡跪
合掌一心。佞頭供養而住。

尔時東方過如恒河沙等世界。彼有佛刹名
一切光。其中有佛号無邊光多陀阿伽度阿
羅呵三藐三佛陀。與大比丘衆八千万比丘。

尼三千万菩薩摩訶薩八十百千万優婆塞
八十八万優婆夷七十千万亦有最大威德
天人皆於彼衆圍繞佛座聽說法要

尔時南方過如恒河沙等世界彼有佛刹名
曰大光其中有佛号無邊精進多陀阿伽度
阿羅呵三藐三佛陀與大比丘衆十千万人
俱菩薩摩訶薩四十千万優婆塞六十千万
亦有最大威德天人皆於彼衆圍繞佛座聽
說法要

尔時西方過如恒河沙等世界彼有佛刹名
曰普光其中有佛号曰普見多陀阿伽度阿
羅呵三藐三佛陀與大比丘二億衆俱三億

比丘尼九億六千万菩薩摩訶薩衆八億優婆塞六億優婆夷亦有最大威德天人皆於彼衆圍繞佛座聽說法要

尔時北方過如恒河沙等世界彼有佛刹名曰大燈其中有佛号曰作光多陀阿伽度阿羅呵三藐三佛陀與大比丘六億衆俱四万

比丘尼八億菩薩摩訶薩衆九億優婆塞八億優婆夷亦有最大威德天人皆於彼衆圍繞佛座聽說法要

尔時東北方過如恒河沙等世界彼有佛刹名曰金光照曜其中有佛号金色光多陀阿伽度阿羅呵三藐三佛陀與大比丘七億衆

俱三億比丘尼八億菩薩摩訶薩衆九億優婆塞八億優婆夷亦有最大威德天人皆於彼衆圍繞佛座聽說法要

尔時東南方過如恒河沙等世界彼有佛刹名大炬光其中有佛号不可思議日光多陀阿伽度阿羅呵三藐三佛陀與大比丘八億四千万一億八千万比丘尼九億六千万菩薩摩訶薩八億八千万優婆塞八億優婆夷亦有最大威德天人皆於彼衆圍繞佛座聽說法要

尔時西南方過如恒河沙等世界彼有佛刹名善勝光其中有佛号曰大光多陀阿伽度

阿羅呵三藐三佛陀與大比丘衆九億六千萬八億比丘尼九億二千萬菩薩摩訶薩九億優婆塞九億六千萬優婆夷亦有最大威德天人皆於彼衆圍繞佛座聽說法要

尔時西北方過如恒河沙等世界彼有佛刹名寶智意其中有佛号寶藏光多陀阿伽度阿羅呵三藐三佛陀與大比丘八億衆俱二億比丘尼八億菩薩摩訶薩衆八億八千萬優婆塞七億優婆夷亦有最大威德天人皆於彼衆圍繞佛座聽說法要

尔時上方過如恒河沙等世界彼有佛刹名日月光其中有佛号月幢光多陀阿伽度阿

羅呵三藐三佛陀與大比丘七億衆俱三億
比丘尼八億菩薩摩訶薩衆九億二千萬優
婆塞九億優婆夷亦有最大威德天人皆於
彼衆圍繞佛座聽說法要

尔時下方過如恒河沙等世界彼有佛刹名
離垢光其中有佛号普眼見多陀阿伽度阿
羅呵三藐三佛陀與大比丘衆九億六千万
四億比丘尼九億四千万菩薩摩訶薩八億
優婆塞七億優婆夷亦有最大威德天人皆
於彼衆圍繞佛座聽說法要

尔時文殊師利童子及一切衆生最愛樂童
子如是衆等二十童子一時俱起到於佛所

到佛所已時釋迦佛在三昧中百福莊嚴寂
然不動時諸童子各各默然偏袒右臂頂禮
佛足右繞如來繞三匝已譬如壯士屈申臂
頃各往十方

尔時文殊師利童子智輪大海辯才童子向
於東方度如恒河沙等國土彼有世界名一
切光其中有佛号無邊光如來應供正遍知
十号具足爲諸大衆說微妙法時二童子到
彼刹已爲佛作禮坐於衆中

尔時蓮華藏光一切衆生眼童子無邊心廣
義慧童子等向於南方度如恒河沙等國土
彼有世界名曰大光其中有佛号無邊精進

如來應供正遍知十号具足為諸大眾說微
妙法時二童子到彼刹已為佛作禮坐於眾中
尔時天寶燄光善照曜幢童子難可譬喻善
色愛見童子等向於西方度如恒河沙等國
土彼有世界名曰普光其中有佛号曰普見
如來應供正遍知十号具足為諸大眾說微
妙法時二童子到彼刹已為佛作禮坐於眾中
尔時觀諸眾生眼視不瞬童子大願不虛見
童子等向於北方度如恒河沙等國土彼有
世界名曰大燈其中有佛号曰光作如來應
供正遍知十号具足為諸大眾說微妙法時
二童子到彼刹已為佛作禮坐於眾中

尔時深遠雷震鼓音響聲童子離障礙一切
衆生眼童子等向東北方度如恒河沙等國
土彼有世界名金光照其中有佛号金色光
如來應供正遍知十号具足為諸大衆說微
妙法時二童子到彼刹已為佛作禮坐於衆中
尔時寶藏焰輪廣德童子多福德衆生見勝
幢童子等向東南方度如恒河沙等國土彼
有世界号大炬光其中有佛号不可思議日
光如來應供正遍知十号具足為諸大衆說微
妙法時二童子到彼刹已為佛作禮坐於衆中
尔時勝妙無邊香光童子無邊力精進善大
奮迅童子等向西南方度如恒河沙等國土

彼有世界名善勝光其中有佛号曰大光如
來應供正遍知十号具足為諸大眾說微妙
法時二童子到彼刹已為佛作禮坐於眾中
尔時牢固精進無邊智光幢童子一切差別
德勝智童子等向西北方度如恒河沙等國
土彼有世界名寶意慧其中有佛号寶藏光
如來應供正遍知十号具足為諸大眾說微
妙法時二童子到彼刹已為佛作禮坐於眾中
尔時不可破壞能常最勝童子成就一切自
在導師童子等向於上方度如恒河沙等國
土彼有世界名日月光其中有佛号寶幢光
如來應供正遍知十号具足為諸大眾說微

妙法時二童子到彼刹已爲佛作禮坐於衆中
尔時相好莊嚴清淨福行善名稱童子一切
衆生最愛樂童子等向於下方度如恒河沙
等國土彼有世界名離垢光其中有佛号普
眼見如來應供正遍知十号具足爲諸大衆
說微妙法時二童子到彼刹已爲佛作禮坐
於衆中

尔時無邊光如來應正遍知爲諸大衆知而
故問文殊師利童子智輪大海辯才童子等
言汝二大士從何所來時二童子報彼佛言
世尊此刹西方過如恒河沙等世界國名娑
婆佛号釋迦牟尼如來多陀阿伽度阿羅呵

三藐三佛。隨以大莊嚴入于三昧。我等從彼佛世尊所恭敬頂禮三繞畢來。

尔時無邊精進如來應正遍知。爲諸大衆知而故問蓮華藏光一切衆生眼童子無邊心廣義慧童子等言。汝二大士從何所來時。二童子報彼佛言。世尊此刹北方過如恒河沙等世界國名娑婆佛号釋迦牟尼如來多隨阿伽度阿羅呵三藐三佛陀。以大莊嚴入于三昧。我等從彼佛世尊所恭敬頂禮三繞畢來。尔時普見如來應正遍知。爲諸大衆知而故問天寶燄光善照曜幢童子。難可譬喻善色愛見童子等言。汝二大士從何所來時。二童

子報彼佛言世尊此刹東方過如恒河沙等
世界國名娑婆佛号釋迦牟尼如來多陀阿
伽度阿羅呵三藐三佛陀以大莊嚴入于三
昧我等從彼佛世尊所恭敬頂禮三繞畢來
尔時大燈如來應正遍知爲諸大衆知而故
問觀諸衆生眼視不瞬童子大願不虛見童

子等言汝二大士從何所來時二童子報彼
佛言世尊此刹南方過如恒河等世界國名
娑婆佛号釋迦牟尼如來多陀阿伽度阿羅
呵三藐三佛陀以大莊嚴入中三昧我等從
彼佛世尊所恭敬頂禮三繞畢來
尔時金色光如來應正遍知爲諸大衆知而

故問深遠雷震鼓音響聲童子離障礙一切
衆生眼童子等言汝二大士從何所來時二
童子報彼佛言世尊此刹西南過如恒河沙
等世界國名娑婆佛号釋迦牟尼如來多陀
阿伽度阿羅呵三藐三佛陀以大莊嚴入于
三昧我等從彼佛世尊所恭敬頂禮三繞畢
尔時不可思議日光如來應正遍知為諸大
衆知而故問寶藏燄輪廣德童子多福德衆
生見勝幢童子等言汝二大士從何所來時
二童子報彼佛言世尊此刹西北過如恒河
沙等世界國名娑婆佛号釋迦牟尼如來多
陀阿伽度阿羅呵三藐三佛陀以大莊嚴入于

三昧我等從彼佛世尊所恭敬頂禮三繞畢來
今時善光如來應正遍知爲諸大衆知而故
問勝妙無邊香光童子無邊力精進善大奮
迅童子等言汝二大士從何所來時二童子
報彼佛言世尊此刹東北方過如恒河沙等世
界國名娑婆佛号釋迦牟尼如來多陀阿伽
度阿羅呵三藐三佛陀以大莊嚴入于三昧
我等從彼佛世尊所恭敬頂禮三繞畢來
今時寶藏光如來應正遍知爲諸大衆知而
故問牢固精進無邊智光幢童子一切差別
德勝智童子等言汝二大士從何所來二童
童子報彼佛言世尊此刹東南過如恒河沙

等世界國名娑婆佛号釋迦牟尼如來多陀
阿伽度阿羅呵三藐三佛陀以大莊嚴入于
三昧我等從彼佛世尊所恭敬頂禮三繞畢來
尔時寶幢光如來應正遍知為諸大衆知而
故問不可破壞能常最勝童子成就一切自
在導師童子等言汝二大士從何所來時二
童子報彼佛言世尊此刹下方過如恒河沙
等世界國名娑婆佛号釋迦牟尼如來多陀
阿伽度阿羅呵三藐三佛陀以大莊嚴入于
三昧我等從彼佛世尊所恭敬頂禮三繞畢
來尔時普眼見如來應正遍知為諸大衆知
而故問相好莊嚴清淨福行善名稱童子一

切衆生最愛樂童子等言汝二大士從何所
來時二童子報彼佛言世尊此刹上方過如
恒河沙等世界國名娑婆佛号釋迦牟尼如
來多陀阿伽度阿羅呵三藐三佛陀以大莊
嚴入于三昧我等從彼佛世尊所恭敬頂禮
三繞畢來

尔時十方諸佛世界聞此釋迦牟尼如來多
陀阿伽度阿羅呵三藐三佛陀十号名已彼
十方刹一切佛土皆大震動動遍動等遍動
震遍震等遍震踊遍踊等遍踊如是動已時
彼十方諸佛侍者各各合掌白於佛言世尊
何因緣故今此三千大千世界如是大動時

十方佛皆即告其自侍者言善男子從此刹
西過如恒河沙等世界彼有國土名曰娑婆
佛号釋迦牟尼如來多陀阿伽度阿羅呵三
藐三佛隨於今現在入力莊嚴三昧爲諸四
衆圍繞而坐欲說甚深平等之法以是事故
此處三千大千世界地皆震動如是次第乃
至下方諸刹震動亦復如是
時十方佛復告大衆諸比丘等作如是言汝
等當知佛出世難如優曇華出已值遇倍難
於是如是難中比此釋迦牟尼如來億倍甚
難何以故彼佛世尊往昔因緣誓願力故生
於雜穢五濁刹中如是最難諸比丘又彼如

來名不虛唱若十方國佛刹之中一切衆生
聞此釋迦牟尼如來勇猛精進難行苦行及
過去世發大誓願菩薩行中諸難作者種種
功德名号具足一切皆得如是聞已十方一
切諸佛刹中不可筭數無量衆生皆得受於
阿耨多羅三藐三菩提記何況其餘得須陀
洹斯陀含阿那含阿羅漢果者是故比丘說
此釋迦牟尼如來大名稱時十方世界恒河
沙等三千大千諸國土中一切諸佛皆各如
是讚歎釋迦牟尼如來多陀阿伽度阿羅呵
三藐三佛陀無量功德其聲復聞餘處十方
恒河沙等世界之外復有國土更不可說恒

河沙等世界佛刹是諸佛等復各出聲爲其
大衆稱說釋迦如來名号時彼佛刹諸大菩
薩如是聞已各白佛言希有世尊我今欲往
娑婆世界見於釋迦牟尼如來禮拜供養聽
所未聞時彼諸佛各各告其大菩薩言善哉
善哉善男子宜知是時隨逐二大童子俱往
何以故彼佛世尊難遭難覩聞法聽受及彼
衆中同會共坐甚爲難遇

尔時釋迦牟尼多陀阿伽度阿羅呵三藐三
佛陀從力莊嚴三昧而起安詳徐步猶若鵝
王瞻視端平趣師子座到已登上手自展設
於尼師壇鋪已儼然結加趺坐一切大衆四

面圍繞

尔時文殊師利童子智輪大海辯才童子等
從東方還共無量阿僧祇千萬億諸大菩薩
摩訶薩衆俱來到於釋迦牟尼佛世尊前彼
二童子及餘菩薩各各頭面頂禮佛足禮畢
皆退坐蓮華座

尔時蓮華藏光一切衆生眼見童子無邊心
廣義慧童子等從南方還共無量阿僧祇千
萬億諸大菩薩摩訶薩衆俱來到於釋迦牟
尼佛世尊前彼二童子及餘菩薩各各頭面
頂禮佛足禮畢皆退坐蓮華座

尔時天寶善光照曜幢童子難可譬喻善色

愛見童子等從西方還共無量阿僧祇千萬
億諸大菩薩摩訶薩衆俱來到於釋迦牟尼
佛世尊前彼二童子及餘菩薩各各頭面頂
禮佛足禮畢皆退坐蓮華座

尔時觀諸衆生眼視不瞬童子大願不虛見
童子等從北方還共無量阿僧祇千萬億諸
大菩薩摩訶薩衆俱來到於釋迦牟尼佛世
尊前彼二童子及餘菩薩各各頭面頂禮佛
足禮畢皆退坐蓮華座

尔時深遠雷震鼓音響聲童子離障礙一切
衆生眼童子等從東北還共無量阿僧祇千
萬億諸大菩薩摩訶薩衆俱來到於釋迦牟尼

尼佛世尊前彼二童子及餘菩薩各各頭面頂禮佛足禮畢皆退坐蓮華座

尔時寶藏燄輪廣德童子多福德衆生見勝幢童子等從東南還共無量阿僧祇千万億諸大菩薩摩訶薩衆俱來到於釋迦牟尼世尊前彼二童子及餘菩薩各各頭面頂禮

佛足禮畢皆退坐蓮華座

尔時勝妙無邊香光童子無邊力精進善大奮迅童子等從西南還共無量阿僧祇千万億諸大菩薩摩訶薩衆俱來到於釋迦牟尼佛世尊前彼二童子及餘菩薩各各頭面頂禮佛足禮畢皆退坐蓮華座

尔時牢固精進無邊智光幢童子一切差別
德勝智童子等從西北還共無量阿僧祇千
万億諸大菩薩摩訶薩衆俱來到於釋迦牟
尼佛世尊前彼二童子及餘菩薩各各頭面
頂禮佛足禮畢皆退坐蓮華座

尔時不可破壞能常最勝童子成就一切自
在導師童子等從上方還共無量阿僧祇千
万億諸大菩薩摩訶薩衆俱來到於釋迦牟
尼佛世尊前彼二童子及餘菩薩各各頭面
頂禮佛足禮畢皆退坐蓮華座
尔時相好莊嚴清淨福行善名稱童子一切
衆生最愛樂童子等從下方還共無量阿僧

祇千萬億諸大菩薩摩訶薩眾俱來到於釋

迦牟尼佛世尊前彼二童子及餘菩薩各各

頭面頂禮佛足禮畢皆退坐蓮華座

力莊嚴三昧經卷上

可

不瞬目下詩閏反奮迅上方問反下雖閏鎧改苦

苦愛甲二綱纒官下莫藥花汝水反續疾反紛上貞芳疋賓文反

落貞飛廁填上初使去反間雲雲音代音

也雲狀氛氲上音芬紆去赫耀盛許客反明

培阜上丁回反下音婦崖岸上魚佳反礫石

上音厖坑坎上苦庚反陂他碑音溝整侯反古

下呼各反荆棘上音京下藕音偶蓮藕根七肘

長二尺一反六長一骨尺也八寸肘

